

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ৭৩/২০১৭

ঢাকা, সোমবার ১০ এপ্রিল ২০১৭, ২৭ চৈত্র ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। দুই দেশের সম্পর্ক জোরদারে প্রধানমন্ত্রী শেখ হাসিনার ভূমিকা প্রশংসনীয় : ভারতের রাষ্ট্রপতি প্রণব মুখাজ্জী
- ২। জঙ্গি দমনে প্রধানমন্ত্রী শেখ হাসিনার দৃঢ় অবস্থানের প্রশংসা করলেন কংগ্রেস দলীয় নেতৃী সোনিয়া গান্ধী
- ৩। আজমির শরীফে খাজা মঈনুদ্দিন চিশতীর (র.) মাজার জিয়ারত করলেন প্রধানমন্ত্রী শেখ হাসিনা
- ৪। সংবাদ পরিবেশনে জাতীয় স্বার্থকে সর্বোচ্চ অগ্রাধিকার দিতে হবে : রাষ্ট্রপতি
- ৫। হাওরের মানুষের পাশে দাঁড়াতে রাষ্ট্রপতির আহ্বান
- ৬। গার্মেন্টস খাত প্রবৃদ্ধির অন্যতম সহায়ক শক্তি হবে : অর্থমন্ত্রী
- ৭। মুক্তি হান্নানের ফাঁসি কার্যকরের প্রস্তুতি নেওয়া হচ্ছে : স্বরাষ্ট্রমন্ত্রী
- ৮। শিক্ষার্থীরা যেন জঙ্গিবাদে জড়িয়ে না পড়ে : শিক্ষামন্ত্রী
- ৯। প্রধানমন্ত্রীর নির্দেশে 'গণসংবর্ধনা' বাতিল
- ১০। পোলট্রি খাদ্যে ট্যানারির বর্জ্য ব্যবহার নয় : আপিল বিভাগ

১। দুই দেশের সম্পর্ক জোরদারে প্রধানমন্ত্রী শেখ হাসিনার ভূমিকা প্রশংসনীয়
: ভারতের রাষ্ট্রপতি প্রণব মুখার্জী

বাংলাদেশ ও ভারত সম্পর্ককে সামনের দিকে এগিয়ে নিতে প্রধানমন্ত্রী শেখ হাসিনার উদ্যোগের প্রশংসা করেছেন ভারতের রাষ্ট্রপতি প্রণব মুখার্জী। সফরের তৃতীয় দিন গতকাল ৯ এপ্রিল রোববার ভারতের রাষ্ট্রপতির সঙ্গে বৈঠক করেন বাংলাদেশের প্রধানমন্ত্রী শেখ হাসিনা। গত ৮ এপ্রিল শনিবার দ্বিপক্ষীয় বৈঠকে যেসব বিষয়ে মৌক্য ও চুক্তি-সময়োত্তা হয়েছে, সেসব নিয়েও আলোচনা হয়েছে বলে জানান প্রধানমন্ত্রীর প্রেস সচিব ইহসানুল হক করিম। সূত্র-জনকর্ত্ত (পৃ.১,ক.১), সংবাদ (পৃ.১,ক.৮), ইভিপেনডেন্ট (শেষ পৃ.,ক.১), ডেইলি সান (পৃ.১,ক.১)। প্রথম আলো, ইন্ডিফেক, সংবাদ, ভোরের কাগজ, ইভিপেনডেন্ট, অবজারভার, ডেইলি সানসহ অধিকাংশ পত্রিকা এ বিষয়ে ছবিসহ খবর ছেপেছে।

২। জঙ্গি দমনে প্রধানমন্ত্রী শেখ হাসিনার দৃঢ় অবস্থানের প্রশংসা করলেন কংগ্রেস দলীয় নেত্রী সোনিয়া গান্ধী
প্রধানমন্ত্রী শেখ হাসিনার নেতৃত্বে বাংলাদেশের অর্থনৈতিক উন্নয়নের ভূমূলী প্রশংসা করেছেন ভারতীয় কংগ্রেস দলের নেত্রী সোনিয়া গান্ধী। গতকাল ৯ এপ্রিল রোববার ভারতের রাষ্ট্রপতি ভবনে প্রধানমন্ত্রী শেখ হাসিনার সঙ্গে সাক্ষাৎ করেন সোনিয়া গান্ধী। এসময় বাংলাদেশের অর্থনৈতিক ও আর্থসামাজিক উন্নয়নে নেওয়া বিভিন্ন পদক্ষেপের বিষয়েও আলোচনা করেন তাঁরা। আধা ঘন্টার বৈঠক শেষে প্রধানমন্ত্রীর প্রেস সচিব ইহসানুল করিম সেখানকার আলোচনা সম্পর্কে জানান। এ সময় উপস্থিত ছিলেন ভারতের সাবেক প্রধানমন্ত্রী মনমোহন সিং ও কংগ্রেস দলের সাধারণ সম্পাদক রাভুল গান্ধী। সূত্র-জনকর্ত্ত (পৃ.১,ক.৮), ইন্ডিফেক (পৃ.১,ক.৬), ইভিপেনডেন্ট (পৃ.১,ক.৮), এশিয়ান এজ (পৃ.১,ক.১)। প্রথম আলো, ইন্ডিফেনডেন্ট, নিউজ টুডে, ডেইলি স্টারসহ অধিকাংশ পত্রিকা এ বিষয়ে ছবিসহ খবর ছেপেছে।

৩। আজমির শরীকে খাজা মঙ্গনুদিন চিশতীর (র.) মাজার জিয়ারত করলেন প্রধানমন্ত্রী শেখ হাসিনা

আজমির শরীকে গিয়ে খাজা মঙ্গনুদিন চিশতীর (র.) মাজার জিয়ারত করেছেন প্রধানমন্ত্রী শেখ হাসিনা। প্রধানমন্ত্রী শেখ হাসিনা ভারত সফরের তৃতীয় দিন গতকাল ৯ এপ্রিল রোববার সকাল সাড়ে ৮টায় দিল্লি থেকে এয়ার ইন্ডিয়ার একটি বিশেষ বিমানে জয়পুর যান। সেখান থেকে প্রধানমন্ত্রী ও তার সফরসঙ্গীরা হেলিকপ্টারে আজমির শরীকে পৌছান। সকাল ১০টায় প্রধানমন্ত্রী আজমির শরীক পৌছালে খাজা মঙ্গনুদিন চিশতীর (র.) দরগায় তাকে স্বাগত জানান মোয়াল্লেম হাজী কলিমউদ্দিন। বঙ্গবন্ধুর কন্যা খাজা মঙ্গনুদিন চিশতীর মাজারে গিলাফ চড়ান এবং জিয়ারত করেন। সূত্র-জনকর্ত্ত (পৃ.১,ক.৪), ইন্ডিফেনডেন্ট (শেষ পৃ.,ক.৬), ইভিপেনডেন্ট (শেষ পৃ.,ক.১), এশিয়ান এজ (পৃ.১,ক.৪), প্রথম আলো, ইন্ডিফেনডেন্ট, নিউজ টুডে, নিউ এজসহ অধিকাংশ পত্রিকা এ বিষয়ে ছবিসহ খবর ছেপেছে।

৪। সংবাদ পরিবেশনে জাতীয় স্বার্থকে সর্বোচ্চ অগাধিকার দিতে হবে : রাষ্ট্রপতি

রাষ্ট্রপতি মো. আবদুল হামিদ সংবাদ পরিবেশনে জাতীয় স্বার্থকে সর্বোচ্চ অগাধিকার দিতে গণমাধ্যমের প্রতি আহ্বান জানিয়েছেন। তিনি বলেন, মত প্রকাশে গণমাধ্যম এখন পুরোপুরি স্বাধীন। তাই আপনাদের সতর্ক থাকতে হবে যাতে বহিরাগতরা হস্তক্ষেপ করতে না পারে। এজন্য আপনাদের কিছু কিছু ক্ষেত্রে সেলফ সেপ্ররশিপ প্রয়োগ করতে হবে। সংবাদ ও মতামত পরিবেশনে দেশ ও জনগণের প্রতি জবাবদিহিতা থাকারও আহ্বান জানান তিনি। গতকাল ৯ এপ্রিল রোববার রাজধানীর ওসমানী স্মৃতি মিলনায়তনে বজলুর রহমান স্মৃতি পদক-২০১৬ বিতরণ অনুষ্ঠানে প্রধান অতিথির বক্তৃতায় রাষ্ট্রপতি এ কথা বলেন। সূত্র-ইন্ডিফেক (পৃ.২,ক.২), সংবাদ (শেষ পৃ.,ক.৪), বাংলাদেশ টুডে (শেষ পৃ.,ক.২), এশিয়ান এজ (শেষ পৃ.,ক.৮)।

৫। হাওরের মানুষের পাশে দাঁড়াতে রাষ্ট্রপতির আহ্বান

আকস্মিক বন্যার হাত থেকে হাওর এলাকার জনগণকে বাঁচাতে টেকসই প্রযুক্তি ব্যবহার করে বাঁধ নির্মাণের জন্য সংশ্লিষ্ট কর্তৃপক্ষকে নির্দেশ দিয়েছেন রাষ্ট্রপতি মো. আবদুল হামিদ। গতকাল ৯ এপ্রিল রোববার এক তথ্য বিবরণীতে এই নির্দেশ দেওয়ার পাশাপাশি তিনি বিভিন্ন ও সচল ব্যক্তিদের হাওর এলাকার দুর্শাগ্রস্ত মানুষের পাশে

দাঁড়ানোর আহ্বান জানান। কিশোরগঞ্জ, সুনামগঞ্জ, নেত্রকোনা, হবিগঞ্জ ও ব্রাহ্মণবাড়িয়ার হাওর এলাকায় বাঁধ ভেঙে বিস্তীর্ণ এলাকার ফসল তলিয়ে যাওয়ায় গভীর উৎকর্ষ ও দুঃখ প্রকাশ করেন তিনি। সূত্র- সূত্র-সমকাল (পৃ.৪,ক.১), ইত্তেফাক (পৃ.১,ক.২), নিউ নেশন (শেষ পৃ.,ক.৬)।

৬। গার্মেন্টস খাত প্রবৃদ্ধির অন্যতম সহায়ক শক্তি হবে : অর্থমন্ত্রী

গার্মেন্টস খাত প্রবৃদ্ধির অন্যতম সহায়ক শক্তি হবে বলে আশাবাদ ব্যক্ত করেছেন অর্থমন্ত্রী আবুল মাল আবদুল মুহিত। তিনি বলেন, এখন ভারত ও চীন থকে যে কটন আমদানি করা হয় তাতে নানা জটিলতা রয়েছে।

=৩=

আফ্রিকা থেকে ব্যাপক আকারে কটন আমদানির সম্ভাবনা এখন কাজে লাগাতে হবে। গতকাল ৯ এপ্রিল রোববার বেলা ১১টায় হোটেল ওয়েস্টিনে আফ্রিকান তুলা সরবরাহকারী প্রতিষ্ঠান ও এশীয় ক্রেতা প্রতিষ্ঠানের মধ্যে প্রথম ‘বি টু বি’ কনফারেন্সে প্রধান অতিথির বক্তব্যে অর্থমন্ত্রী আরো বলেন, আগামী ২৫ থেকে ৩০ বছর পর গার্মেন্টস খাত দেশের প্রবৃদ্ধিতে প্রধান ভূমিকা রাখতে সক্ষম হবে। সূত্র-জনকর্ত (শেষ পৃ.,ক.১), সংবাদ (শেষ পৃ.,ক.৩), ডেইলি সান বিজেন্স পাতা (পৃ.১,ক.৫)।

৭। মুফতি হান্নানের ফাঁসি কার্যকরের প্রস্তুতি নেওয়া হচ্ছে : স্বরাষ্ট্রমন্ত্রী

রাষ্ট্রপতি মো. আবদুল হামিদ হরকাতুল জিহাদের নেতা মুফতি হান্নানের প্রাণভিক্ষার আবেদন খারিজ করে দেওয়ায় ফাঁসি কার্যকরে কারাগার প্রস্তুতি নিচ্ছে বলে জানিয়েছেন স্বরাষ্ট্রমন্ত্রী আসাদুজ্জামান খান কামাল। গতকাল ৯ এপ্রিল রোববার সচিবালয়ে নিজ দফতরে আলাপকালে স্বরাষ্ট্রমন্ত্রী একথা জানান। তিনি বলেন, বিভিন্ন মামলায় বিশেষ করে একুশে আগস্ট গ্রেনেড হামলা, প্রধানমন্ত্রীর প্রাণনাশের মামলাসহ অনেক মামলা তার নামে ছিল। এর মধ্যে কয়েকটি মামলা নিষ্পত্তি হয়েছে। একটি মামলায় তাকে মৃত্যুদণ্ডদেশ দেওয়া হয়েছিল। সেটা সুপ্রিমকোর্ট ও আপিল বিভাগে বহাল থাকাতে সে রাষ্ট্রপতির কাছে প্রাণভিক্ষা চেয়েছিল। রাষ্ট্রপতি সেটা না মণ্ডুর করাতে এখন আদালতের রায় কার্যকর করতে যে সকল ফরমালিটি জেল কোড অনুযায়ী করণীয় সেই প্রক্রিয়াগুলো করে যাচ্ছি। সূত্র-জনকর্ত (পৃ.১,ক.৮), সমকাল (শেষ পৃ.,ক.১), বাংলাদেশ টুডে (পৃ.১,ক.২), এশিয়ান এজ (পৃ.১,ক.৮)।

৮। শিক্ষার্থীরা যেন জঙ্গিবাদে জড়িয়ে না পড়ে : শিক্ষামন্ত্রী

শিক্ষার্থীরা যেন জঙ্গিবাদে জড়িয়ে না পড়ে সেদিকে অভিভাবক-শিক্ষক সবাইকেই সজাগ থাকার আহ্বান জানিয়েছেন শিক্ষমন্ত্রী নুরুল ইসলাম নাহিদ। গতকাল ৯ এপ্রিল রোববার নর্থ সাউথ ইউনিভার্সিটির (এনএসইউ) ২০তম সমাবর্তনে সভাপতির বক্তব্যে তিনি বলেন, দেশ যখন উন্নয়নের ধারা অব্যাহত রেখে এগিয়ে যাচ্ছে, ঠিক তখন একদল স্বাধীনতাবিরোধী এই উন্নয়ন ও অগ্রগতিকে ব্যাহত করার ঘড়িযন্ত্রে লিপ্ত। তারা ইসলামের ভুল ব্যাখ্যা দিয়ে এ দেশের মেধাবী শিক্ষার্থীদের সন্ত্রাস ও জঙ্গি কার্যক্রমের সঙ্গে জড়িয়ে তাদের ধ্বংসের মুখে ঠেলে দেওয়ার অপচেষ্টায় লিপ্ত রয়েছে। তাদের কুমন্ত্রণায় প্ররোচিত হয়ে বেশ কিছু তরঙ্গ মেধাবী শিক্ষার্থী ইতোমধ্যে বিপথগামী হয়েছে। এসব মেধাবী ও সম্ভাবনাময় শিক্ষার্থী যাতে ইসলামের ভুল ব্যাখ্যাদানকারী জঙ্গিদের কবলে পড়ে সুন্দর জীবন ধ্বংস করতে না পারে সেজন্য শিক্ষক-অভিভাবকসহ সবাইকে সজাগ দৃষ্টি রাখার আহ্বান জানান তিনি। সূত্র-সমকাল (পৃ.১৯,ক.৬), ইত্তেফাক (পৃ.৩,ক.১), বাংলাদেশ টুডে (শেষ পৃ.,ক.৫), ইভিপেনডেন্ট (পৃ.৩,ক.২)।

৯। প্রধানমন্ত্রীর নির্দেশে ‘গণসংবর্ধনা’ বাতিল

ভারত থেকে ফেরার পর প্রধানমন্ত্রী শেখ হাসিনাকে যে গণসংবর্ধনা দেওয়ার কর্মসূচি নিয়েছিল আওয়ামী লীগ তা বাতিল করেছে দলটি। গতকাল ৯ এপ্রিল রোববার এক সংবাদ বিজ্ঞপ্তিতে জানানো হয়, প্রধানমন্ত্রী দেশের জননেত্রী শেখ হাসিনা ভারত সফর শেষে আজ সোমবার দেশে ফিরবেন। এ উপলক্ষে বাংলাদেশ আওয়ামী লীগের উদ্যোগে প্রধানমন্ত্রীকে যে গণসংবর্ধনা দেওয়ার কথা সিদ্ধান্ত ছিল তা প্রধানমন্ত্রীর নির্দেশক্রমে বাতিল করা হয়েছে।

সূত্র-জনকষ্ঠ (পৃ.১,ক.৭), ইনকিলাব (পৃ.১,ক.৬), নিউজ টুডে (শেষ পৃ.,ক.১), এশিয়ান এজ (শেষ পৃ.,ক.৫)।

১০। পোলট্রি খাদ্যে ট্যানারির বর্জ্য ব্যবহার নয় : আপিল বিভাগ

ট্যানারির বর্জ্য ব্যবহার করে মৎস্য ও পশুখাদ্য তৈরির কারখানা বন্ধে হাইকোর্টের দেওয়া রায় বহাল রেখেছেন সুপ্রিম কোর্টের আপিল বিভাগ। প্রধান বিচারপতি সুরেন্দ্র কুমার সিনহার নেতৃত্বাধীন আপিল বিভাগের চার সদস্যের বেঞ্চ গতকাল ৯ এপ্রিল রোববার এই আদেশ দেন। এর ফলে হাইকোর্টের রায় বহাল থাকল এবং ওই রায় অনুযায়ী বর্জ্য ব্যবহার করে পোলট্রি খাদ্য তৈরির আর কোনো সুযোগ নেই বলে জানিয়েছেন রিট আবেদনকারী পক্ষের আইনজীবী মনজিল মোরসেদ। সূত্র-সমকাল (পৃ.১৯,ক.৪), প্রথম আলো (পৃ.১৬,ক.৪), ফিনানশিয়াল এক্সপ্রেস (শেষ পৃ.,ক.৬), ডেইলি সান (পৃ.৩,ক.৮)

সম্পাদকীয়

- ক. ইত্তেফাক : বাংলাদেশ ক্রিকেট দলের সফল শ্রীলঙ্কা সফরে অভিনন্দন জ্ঞাপন।
- খ. সংবাদ, প্রথম আলো, যুগান্তর, ভোরের কাগজ, যায়যায়দিন : প্রধানমন্ত্রী শেখ হাসিনার ভারত সফরে পশ্চিমবঙ্গের মুখ্যমন্ত্রী মমতা বন্দ্যোপাধ্যায়ের তিস্তার পানিবন্টন নিয়ে নেতৃত্বাচক বক্তব্যে হতাশা প্রকাশ করে এ অমীমাংসিত ইস্যু সমাধানে দ্রুত ভারত সহযোগিতা করবে বলে প্রত্যাশা ব্যক্ত।
- গ. সমকাল : আইন-শৃঙ্খলা রক্ষাকারী বাহিনীর সদস্যদের নানা অপরাধে জড়িয়ে পড়া রোধে কর্তৃপক্ষের কঠোর নজরদারির ওপর গুরুত্বপূর্ণ।
- ঘ. যায়যায়দিন : বাংলাদেশের ওমুখ দেশীয় বাজারে চাহিদা মেটানোর পাশাপাশি বিদেশে রপ্তানির মাধ্যমে দেশীয় অর্থনীতিতে গুরুত্বপূর্ণ ভূমিকা রাখছে বলে উল্লেখ করে এ সাফল্যের ধারা অব্যাহত থাকার প্রত্যাশা ব্যক্ত।
- ঙ. ইনকিলাব : হ্যারত শাহজালাল (রহ.) বিমানবন্দরে অবৈধ দখলদারচক্র, গাড়ি ব্যবসায়ী ও চোরাচালান সিনিকেটের কারণে প্রতিদিন হাজার হাজার মানুষ ভোগান্তির শিকার হওয়ায় উদ্বেগ প্রকাশ করে এ ব্যাপারে কার্যকর পদক্ষেপ নেওয়ার সুপারিশ।
- চ. ইন্ডিপেন্ডেন্ট : মানিকগঞ্জের নদীগুলো দূষণ ও দখলের কারণে ত্রুটি হারে নাব্যতা হারিয়ে ফেলার বিষয় তুলে ধরে দেশের সব নদীর নাব্যতা বজায় রাখতে নদী দখল ও দূষণ প্রতিরোধের ব্যবস্থা করাসহ নদীতে নিয়মিত ড্রেজিয়ের ব্যবস্থা অব্যাহত রাখার সুপারিশ।
- ছ. ডেইলি স্টোর, ডেইলি সান, সমকাল : ট্যানারি শিল্পের স্বার্থে, দেশের স্বার্থে নতুন স্থানে ট্যানারির উৎপাদন শুরুর জন্য সব পক্ষকে অসমাপ্ত কাজগুলো দ্রুত শেষ করার আহ্বান।
- জ. নিউজ টুডে : মশাবাহী রোগ প্রতিরোধে ঢাকা সিটি কর্পোরেশনকে কার্যকর ব্যবস্থা গ্রহণের সুপারিশ।
- ঝ. নিউ নেশন : দেশের উপকূলীয় অঞ্চলের ৯৫ শতাংশ স্কুল ও অন্যান্য শিক্ষা প্রতিষ্ঠানের স্থাপনা জরাজীর্ণ হয়ে পড়ায় সরকারকে এসব প্রতিষ্ঠানগুলো দ্রুত মেরামত করে দুর্যোগকালীন সময়ে আশ্রয়কেন্দ্র হিসেবে ব্যবহার উপযোগী করার প্রত্যাশা ব্যক্ত।
- ঞ. নিউ এজ : সন্ত্রাস প্রতিরোধে সন্ত্রাসী ও ধর্মীয় উগ্রপন্থীদের বিরুদ্ধে জোরদার প্রচেষ্টা অব্যাহত রাখার পাশাপাশি সমাজের সাধারণ জনগণের নিরাপত্তা বিধানে আইন শৃঙ্খলা রক্ষাকারী বাহিনীকে সতর্ক থাকার আহ্বান জানিয়ে সম্পাদকীয় প্রকাশ করেছে।

উপ-সম্পাদকীয়

প্রথম আলো পত্রিকায় প্রকাশিত কলামে গণতান্ত্রিক রাষ্ট্র ব্যবস্থায় সুষ্ঠু নির্বাচনই হচ্ছে সুশাসন নিশ্চিতের একমাত্র উপায় বলে উল্লেখ করা হয়েছে।

নিবন্ধ ও ফিচার

ইনকিলাব পত্রিকায় প্রকাশিত ‘কোচিং বাণিজ্য বন্ধ করতে হবে’ শিরোনামের নিবন্ধে মো. ওসমান গনি বর্তমানে শিক্ষাক্ষেত্রের শিক্ষাবাণিজ্য বন্ধ করতে না পারলে একসময় আমাদের দেশ হয়তো মেধাশূন্য হয়ে পড়তে পারে

বলে অভিমত প্রকাশ করেছেন।

#

ডালিয়া/মরজিনা/সাস্টেদা/রশীদ/তানিয়া/২০১৭/৯.০০ ঘণ্টা

